

摘藻堂四庫全書薈要

集部

欽定四庫全書薈要

集部

御選歷代詩餘卷十八  
九

詳校官編修臣汪鏞

欽定四庫全書薈要

御選歷代詩餘卷十八目錄四十八字

錦堂春

趙令時

盧祖皋 三首

陸游 七首

李肩吾

劉迎 四首



人月圓

王詵

趙鼎

吳激

趙孟頫

劉因

倪瓚  
二首

前調  
又一體

楊无咎

前調 又一體

楊无咎

武陵春 又一體

晏幾道 二首

毛滂 四首

謝逸

趙師俠

趙長卿 二首

辛棄疾

盧炳

魏氏

趙秋官妻

葛一龍

南唐浣溪紗

南唐李璟 二首

和凝 二首

毛文錫

賀鑄 三首

毛滂 二首

周紫芝 二首

陳克

辛棄疾 七首

樓鑄

黃機

高觀國

許棐

石孝友

李清照

楊慎  
三首

張大烈

唐世瀚



陳繼儒 二首

馮鼎位

眼兒媚

賀鑄

王雱

呂渭老

宋齊愈

趙長卿 六首

張元幹

曾覲  
二首

左譽

侯寘

范成大

黃公度

趙彥端  
二首

陸游

陳亮

黃機 二首

洪咨夔

高觀國

史達祖

韓淉 三首

方岳

尹煥

周密

石孝友

薛夢桂

曾揆

汪元量

朱淑真

無名氏

三首

許古

張大烈

前調又一體

程垓

葛立方

無名氏

欽定四庫全書

御選歷代詩簡  
卷十八目錄

御選歷代詩餘卷十八目錄

欽定四庫全書薈要卷二萬六百九十六

集部

御選歷代詩餘卷十八

四十八字

錦堂春

一名上西樓一名秋夜月一名憶真妃一名烏夜啼雙調四十八字又有以本調與烏夜啼分作二調按之實無分別則與相見懽聖無憂之別名無異非另有烏夜啼也

錦堂春

趙令時

樓上縈簾弱絮牆頭礙月低  
年年春事關心事腸斷  
欲栖鴉舞鏡鸞衾翠減啼珠  
鳳蠟紅斜重門不鎖相

思夢隨意繞天涯

前調

盧祖皋

柳色津頭泣綠桃花渡口啼紅一春又負西湖醉離恨  
雨聲中客袂迢迢西塞餘寒翦翦東風誰家拂水飛  
來燕惆悵小樓空

前調

盧祖皋

漾暖紋波颭颭吹晴絲雨濛濛輕衫短帽西湖路花氣  
撲春驄鬪草褰衣濕翠秋千瞥眼飛紅日長不放春



醪困立盡海棠風

前調

盧祖皋

段段寒沙淺水蕭蕭暮雨孤篷香羅不共征衫遠砧杵  
客愁中別恨慵看楊柳歸期暗數芙蓉碧梧聲到紗  
牕曉昨日幾秋風

前調

陸游

園館青林翠樾衣巾細葛輕紈好風吹散霏微雨沙路  
喜新乾小燕雙飛水際流鶯百轉林端投壺聲斷彈

棋罷閒展道書看

前調

陸游

金鴨餘香尚暖綠牕斜日偏明蘭膏香染雲鬢膩釵滑  
墜無聲冷落秋千侶伴闌珊打馬心情繡屏驚斷瀟  
湘夢花外一聲鶯

前調

陸游

素意幽棲物外塵綠浪走天涯歸來猶幸身強健隨分  
作山家已趁餘寒泥酒還乘小雨移花柴門盡日無

人到一徑傍谿斜

前調

陸游

檐角楠陰轉日樓前荔子吹花鷓鴣聲裏霜天晚疊鼓  
已催衙鄉夢時來枕上京書不到天涯邦人訟少文  
移省閒院自煎茶

前調

陸游

我校丹臺玉字君書蕊殿雲篇錦官城裏重相遇心事  
兩依然攜酒何妨處處尋梅共約年年細思上界多

官府且作地行仙

前調

陸游

從宦元知漫浪還家更覺清真蘭亭道上多修竹隨處  
岸綸巾 泉冽偏宜雪茗杭香雅稱絲蓴翛然一飽西  
窓下天地有閒人

前調

陸游

紈扇嬋娟素月紗巾縹緲輕煙高槐葉長陰初合清潤  
雨餘天 弄筆斜行小草鈎簾淺醉閒眠更無一點塵

埃到枕上聽新蟬

前調

李肩吾

徑蘚痕沿碧甃檐花影壓紅闌今年春事渾無幾游冶  
嬾情慳舊夢鶯鶯沁水新愁燕燕長干重門十二簾  
休捲三月尚春寒

前調

劉迎

離恨遠縈楊柳夢魂長繞梨花青山記得章臺月歸路  
玉鞭斜翠鏡啼痕印袖紅牆醉墨籠紗相逢不盡平

生事春思入琵琶

前調

劉迎

菱鏡玉篔秋月蕙爐銀葉朝雲宿醒人困屏山夢煙樹  
小江村 翠甲未消蘭恨粉香不斷梅魂離愁分付殘  
春雨花外泣黃昏

前調

西湖

劉迎

水漫汀洲新綠雲開崦嶂微青殘紅不見成陰後鷓鴣  
寂無聲 笑傲坡公一夢風流杜牧三生西湖依舊人

中意來去竟難憑

前調

劉迎

牆角含霜樹靜樓頭作雪雲垂鈎簾鵲噪空庭晚坐看  
月來時 異域書迷鴈足幽閨鏡掩蟲絲一宵兩地腸  
千轉惟有夢魂知

人月圓

本王詵詞內句為調名一名青衫濕  
取吳激詞中語也雙調四十八字

人月圓

王詵

小桃枝上春來早初試薄羅衣年年此夜華燈競處人  
月圓時 禁街簫鼓寒輕夜永纖手同攜夜闌人靜千  
門笑語聲在簾幃

前調

趙鼎

連環寶瑟深深願結盡一生愁人間天上佳期勝賞今  
夜中秋 雅歌妍態嫦娥見了應羨風流芳尊美酒年  
年歲歲月滿高樓

前調

宴張侍御  
家有感

吳激



南朝千古傷心地  
還唱後庭花  
舊時王謝堂前燕子飛  
入人家  
恍然一夢仙肌  
勝雪宮鬢堆鴉  
江州司馬青衫  
淚濕同是天涯

前調

趙孟頫

一枝仙桂香生玉  
消得喚卿卿  
緩歌金縷輕敲象板傾  
國傾城  
幾時不見紅裙翠袖  
多少閒情想應如舊  
春山淡淡秋水盈盈

前調

劉因

自從謝病脩花史天意不容閒今年新授平章風月檢  
按雲山 門前報道麴生來謁子墨相看先生正爾天  
張翠蓋山擁雲鬢

前調

倪瓚

傷心莫問前朝事重上越王臺鷓鴣啼處東風草綠殘  
照花開 悵然孤嘯青山故國喬木蒼苔當時明月依  
依素影何處飛來

前調

倪瓚

驚迴一枕當年夢，漁唱起南津。畫屏雲嶂，池塘春草，無限消魂。舊家應在梧桐覆井，楊柳藏門。閒身空老孤篷聽雨，燈火江村。

前調

又一體

楊无咎

風和日暖，餘煙嫩，側側透鮫綃。相逢且喜，人圓玳席，月滿丹霄。爛遊勝賞，高低燈火，鼎沸笙簫。一年三百六十日，願長似今宵。

前調

又一體

楊无咎

月華燈影光相射還是元宵也綺羅如畫笙歌遞響無  
限風雅鬧蛾斜插輕衫乍試閒趁遊冶百年三萬六  
千夜願長似今夜

### 武陵春

又一體雙調  
四十八字

### 武陵春

晏幾道

綠蕙紅蘭芳信歇金蕊正風流應為詩人多怨秋花意  
與銷愁梁王苑路香英密長記舊嬉遊曾看飛瓊戴

滿頭浮動舞涼州

前調

晏幾道

煙柳長堤知幾曲一曲一魂消  
秋水無情天共遙  
愁送木蘭橈  
熏香繡被  
心情嬾期信轉迢迢  
記得來時倚畫橋  
紅淚滿鮫綃

前調

毛滂

維岳分公英特氣  
方丈拂長虹  
丙魏蕭曹總下風  
千載友夔龍  
寶熏裊翠昏  
簾繡嘉頌珮  
紳同不用黃精埽

鬢中元是黑頭翁

前調

毛滂

迎得春來聞好語  
賀燕立簾鉤  
轉蕙光風柳弄柔  
喜氣與春遊  
萬錢珍鼎期公飯  
天自壽留侯  
文物昇平速  
置郵江左屬風流

前調

毛滂

銀浦流雲初度月  
空碧挂團團  
照夜珠胎貝闕  
寒光彩滿長安  
春風為拂新沙路  
珂馬款天關  
篆印金窠紅

屈盤鬼窟押千官

前調

毛滂

風過冰檐環珮響宿霧在華茵  
騰落瑤花襯月明嫌怕  
有纖塵鳳口銜燈金炫轉人  
醉覺寒輕但得清光解  
照人不負五更春

前調

茶

謝逸

畫燭籠紗紅影亂門外紫騮嘶  
分破雲團月影虧雪浪  
皺清漪捧盃纖纖春筍瘦  
乳霧泛冰瓷兩腋清風拂

袖飛歸去酒醒時

前調

和王叔度桃花

趙師俠

一陣曉風花信早先到小桃枝冉冉紅雲映翠微開宴  
憶瑤池 零亂分飛貪結子芳徑自成蹊消得劉郎去  
路迷腸斷武陵溪

前調

趙長卿

又是新逢三五夜瑞氣靄氤氳萬點燈和月色新桃李  
倍添春 花縣主人情思好行樂逐良辰滿引千鍾酒



又醇歌韻動梁塵

前調

趙長卿

落了丹楓殘了菊秋色苦無多誰喚西風泣淚羅吹恨  
入星河 碧玉釵頭金粟鬪曾插翠雲窩重揉檀英憶  
月娥無奈冷香何

前調

春興

辛棄疾

桃李風前多嫵媚楊柳更溫柔喚取笙歌爛漫遊且莫  
管閒愁 好趁晴時連夜賞雨便一春休草草杯盤不

要收纔晚又扶頭

前調

江梅盛開為  
風雨所妒

盧炳

常記江南春欲到消息付南枝  
疎影橫斜照水時月淡  
暗香遲  
可惜江頭千樹玉  
雨暗更風欺  
傳語東君管  
領伊憔悴有誰知

前調

別情

宋媛  
魏氏

小院無人簾半捲  
獨自倚闌時  
寬盡春來金縷衣  
憔悴  
有誰知  
玉人近日音書少  
應是怨來遲  
夢裏長安早

晚歸和淚立斜暉

前調

岐陽  
郵亭

趙秋官妻

人道有情還有夢無夢豈無情  
夜夜思量直到明有夢  
怎教成  
昨夜偶然來夢裏  
鄰笛又還驚  
笛韻淒淒不  
忍聽  
總是斷腸聲

前調

獨夜

葛一龍

深鎖樓臺何處是  
煙暗雨冥冥  
花動風枝犬吠聲  
疑是有人行  
今夕不知何夕也  
添却許多更  
倍覺秋天不

肯明愁從酒畔生

南唐浣溪紗

雙調四十八字一名山花子又名攤破浣溪紗以攤破名者就浣溪紗結句破七字為十字也稱南唐者以李璟詞細雨小樓二句膾炙人口得名也

南唐浣溪紗

南唐李璟

菡萏香消翠葉殘西風愁起綠波間  
還與韶光共憔悴不堪看  
細雨夢回鷄塞遠小樓吹徹玉笙寒  
多少淚珠何限恨倚闌干

前調

南唐李璟

手捲真珠上玉鉤，依前春恨鎖重樓。  
風裏落花誰是主，思悠悠，青鳥不傳雲外信。  
丁香空結雨中愁，回首綠波三峽暮，接天流。

前調

和凝

鶯錦蟬紗馥麝臍，輕裾花草曉烟迷。  
瀟瀟戰金紅掌墜，翠雲低，星靨笑偎霞臉畔。  
感金開襜襯銀泥，春思半和芳草嫩，碧萋萋。

前調

和凝

銀字笙寒調正長水紋簾冷畫屏涼玉腕重重金扼臂  
淡梳妝 幾度試香纖手暖一回嘗酒絳脣光佯弄紅  
絲繩拂子打檀郎

前調

毛文錫

春水輕波浸綠苔  
枇杷洲上紫檀開  
晴日眠沙鷓鴣穩  
暝相偎 羅韞生塵遊女過  
有人逢著弄珠迴  
蘭麝飄香初解珮  
忘歸來

前調

賀鑄

錦薦朱絲瑟瑟徽玉纖新擬鳳雙飛縹緲燭煙花暮暗  
就更衣約略整環釵影動遲回顧步珮聲微宛是春  
風蝴蝶舞帶香歸

前調

賀鑄

節物侵尋迴暮遲可勝搖落長年悲回首五湖乘興地  
負心期驚鴈失行風翦翦冷雲成陣雪垂垂不揀尊  
前泥樣醉箇能癡

前調

賀鑄

雙鳳簫聲隔彩霞朱門深閉七香車何處探春尋舊約  
謝孃家 旖旎細風飄水麝玲瓏淺雪漾山茶飲罷西  
廂簾影外玉蟾斜

前調

毛滂

日轉堂陰一綫添使君和氣作春妍祇有北山輕帶雪  
見豐年 殘月夜來收不盡行雲早起更留連急翦垂  
楊迎秀色到牕前



前調

毛滂

雨色留香繞坐中  
映階疎竹一叢叢  
不奈晚來蕭瑟意  
子猷風 激灩滿傾金鑿  
落淋漓從濕繡芙蓉  
吸盡百川天上去  
看長虹

前調

周紫芝

蒼壁新敲小鳳團  
赤泥開印煮清泉  
醉捧纖纖雙玉筍  
鷓鴣斑 雪浪濺翻金縷袖  
松風吹醒玉酡顏  
更待微甘回齒頰  
且留連

前調

周紫芝

門外青驄月下嘶  
映階籠燭畫簾垂  
一曲陽關聲欲盡  
不多時  
鳳餅未殘雲脚乳  
水沉催注玉花甃  
忍看捧  
甌春筍露翠鬢低

前調

陳克

鬆漫梳頭淺畫眉  
亂鶯殘夢起多時  
不道小庭花露濕  
翦醪醖  
簾額好風低  
燕子牕油晴日打蜂兒  
翠袖粉  
牋閒弄筆寫新詩

前調

辛棄疾

酒面低迷翠被重  
黃昏院落月朦朧  
墮鬢啼妝孫壽醉  
泥秦宮  
試問花留春幾日  
略無人管  
雨和風瞥向綠  
珠樓下見墜殘紅

前調

簡傳  
岩叟

辛棄疾

總托平生入醉鄉  
大都三萬六千場  
今古悠悠多少事  
莫思量  
微有些寒春雨好  
更無尋處  
野花香  
年來去年  
來還又笑燕飛忙

前調

謝餽名花鮮  
葦次前韻

辛棄疾

楊柳溫柔是故鄉紛紛蜂蝶去年場大率一春風雨事  
最難量滿把攜來紅粉面堆盤更覺紫芝香幸是麩  
生閒去了又教忙

前調

病起  
獨坐

辛棄疾

強欲加餐竟未佳只宜長伴病僧齋心似風吹香篆過  
也無灰山下朝來雲出岫隨風一去未曾回次第前  
村行雨了合歸來

前調

酬春

辛棄疾

豔杏天桃兩行排  
莫攜歌舞去相催  
次第未堪供醉眼  
去年栽  
春意纔從梅裏過  
人情都向柳邊來  
咫尺東家還又有海棠開

前調

謝惠瑞香  
次前韻

辛棄疾

句裏明珠字字排  
多情應也被春催  
怪得名花和淚送  
雨中栽  
赤脚未安芳斛穩  
蛾眉早把橘枝來  
報道錦熏籠底下麝臍開

前調

辛棄疾

日日閒看燕子飛  
舊巢新壘畫簾低  
玉歷今朝推戊巳  
却銜泥  
先自春光留不住  
那堪更著子規啼  
一陣香風吹不斷  
落花溪

前調

雙檜堂

樓 鏗

夏半陽烏景最長  
小池不斷藕花香  
電影雷聲催急雨  
十分涼  
芡剝明珠隨意嚼  
瓜分瓊玉趁時嘗  
雙檜堂  
深新釀好且傳觴

前調

黃機

流轉春光又一年春愁盡日兩眉尖草草幽歡能幾許  
已天邊會得音書生羽翼免教魂夢役關山簾捲落  
花千萬點雨如煙

前調

七夕

高觀國

嫋嫋天風響珮環鵲橋有女夜乘鸞也恨別多相見少  
似人間銀浦無聲雲路渺金風有信玉機閒生怕河  
梁分袂處曉光寒

前調

許棐

接柳揉花旋染衣  
絲絲紅翠撲春暉  
羅綺叢中無此豔  
小西施  
腰細最便圍舞屐  
袖寒時復罩香奩  
誤點一痕殘粉  
淚怕人知

前調

石孝友

落日秋風嶺上村  
全稀過鴈少行人  
正是悲傷愁絕處  
更黃昏  
漠漠野烟生碧樹  
漫漫衰草際黃雲  
借使昔人行到此也  
銷魂



前調

宋媛

李清照

病起蕭蕭兩鬢華  
臥看殘月上  
牕紗豆蔻連梢煎熱水  
莫分茶  
枕上詩篇閒處好  
門前風景雨來佳  
終日向  
人多蘊藉木樨花

前調

春日

楊慎

灩灩波光綠似醅  
茸茸草色嫩如苔  
只有輕寒渾不定  
晚還來  
落梅村裏昏鴉遠  
擺柳風前候鴈回  
明日新晴堪眺望  
上春臺

前調

咏紅邊分  
心小山茶

楊慎

瑞雪晴林暮靄消  
錦雲香塢彩霞飄  
絕代佳人空谷裏  
路迢迢  
鶴頂研砂添赤髓  
猩脣帶酒暈紅潮  
小朵分  
心堪采掇當瓊瑤

前調

咏同心  
山茶

楊慎

嫋嫋同心巧笑分  
粉霞紅綬藕絲痕  
軟翠柔藍擎不定  
曉妝勻  
醉露屏前雙朶朶  
舞風庭下一羣羣  
不肯媯  
然回一顧為思君

前調 彈箏

張大烈

金徽提撥錦生輝  
鸞鳳和鳴韻欲飛  
激發淒清冰月冷  
振簾衣  
指筍離絃花影動  
步蓮按節蹋香微  
疑是遊蜂釀陣後  
散聲希

前調

唐世漸

寂寂閒庭雨乍晴  
綠陰如幄午風輕  
幾轉柳塘迷斷岸  
野橋平  
滿架薔薇花欲謝  
趁風燕子掠浮萍  
慵臥小牕驚喚醒  
被流鶯

前調 花下

陳繼儒

晏起還嗔中酒時  
玉牌分得牡丹枝  
花下自調新樂府  
寫烏絲  
付與紫衣傳  
別院夜來翻入管絃吹  
吹得老夫重醉也有情癡

前調

初夏夜  
飲歸

陳繼儒

桐樹花香月半明  
權歌歸去蟪蛄鳴  
曲曲柳灣茅屋矮  
挂魚罾  
笑指吾廬何處是  
一池荷葉小橋橫  
燈火紙  
牕修竹裏讀書聲

前調 郊行

馮鼎位

遲日青驄緩轡行  
輕寒輕暖弄春晴  
細草平沙花夾道  
有啼鶯 嫩綠翻風煙  
樣軟小溪過雨鏡  
般明歸近黃昏  
新月起晚霞生

眼兒嬌

一名秋波嬌 一名小闌干 雙調四十八字 宋人起  
句平仄稍有異同 然通篇自是一定 與朝中措迥  
別 混入者非

眼兒嬌

賀 鑄

蕭蕭江上荻花秋，做弄許多愁。  
半竿落日，兩行新鴈，一葉扁舟。  
惜分此去應難遇，直待醉時休。  
今宵眼底，明朝心上，後日眉頭。

前調

王雱

絲絲楊柳弄輕柔，煙縷織成愁。  
海棠未雨，梨花先雪，一半春休。  
而今往事難重省，歸夢繞秦樓。  
相思只在丁香枝上，豆蔻梢頭。

前調

呂渭老

琅玕循檻粉沾衣  
一片子規啼  
蓬壺夢短蜀衾香  
遠愁損腰肢  
石城堂上雙雙燕  
應傍暮愁飛  
春江艇子雪中梅  
下知與誰期

前調

梅詞  
應制

宋齊愈

霏霏疎影轉  
征鴻人語暗  
香中小橋斜渡  
曲屏深院水  
月濛濛  
人間不是藏春處  
玉笛曉霜空  
江南處處黃  
垂密雨  
綠漲薰風

前調

趙長卿

一鈎新月照西樓清夜思悠悠那堪更被征鴻嘹唳絆  
惹離愁 倚闌不語情如醉都寄兩眉頭從前只為惜  
他伶俐舉措風流

前調

趙長卿

槐陰密處轉黃鸝午日正長時一番過雨綠荷池面冷  
浸琉璃 紅塵不到華堂裏纖楚對蛾眉笑佯人道新  
詞覓箇美底腔兒

前調

趙長卿



東滄危觀暮江前幾醉使君筵少年俊氣曾將吟筆買  
斷江天 重來細把朋遊數回首一辛酸蘭成已老文  
園多病負此江山

前調

趙長卿

當年策馬過錢塘曲徑入幽篁繁紅釀白嬌鶯姹燕爭  
喚何郎 而今又客東風裏渾不似尋常只愁別後月  
房雲洞啼損紅妝

前調

趙長卿

先來客路足傷悲，那更話分離。  
玉驄也解知人欲去，驤首頻嘶。  
馬蹄動是三十里後，會莫相違。  
切須更把丁香珍重待我歸期。

前調

趙長卿

南枝消息杳然間，寂寞倚雕闌。  
紫腰豔豔青腰裊，裊風月俱閒。  
佳人環珮玉闌珊，作惡探花還。  
玉纖撚粟櫻脣呵粉，愁點看鸞。

前調

張元幹

蕭蕭疎雨滴梧桐人在綺牕中離愁徧繞天涯不盡却在蒼峰  
嬌波暗落相思淚流破臉邊紅可憐瘦似一枝春柳不禁東風

前調

曾覲

清明花近晚風寒錦幄獸香殘醺醺醉裏匆匆相見重  
聽哀彈春情入指鶯聲碎危柱不勝絃十分得意一場輕夢淡月闌干

前調

曾覲

離觴重勸淚相看寂寞上征鞍臨行欲話風流心事萬  
緒千端 春光漫漫人千里歸夢遶長安不堪向晚孤  
城吹角回首關山

前調

左譽

黃昏樓上杏花寒斜月小闌干一雙燕子兩行征鴈畫  
角聲殘 綺牕人在東風裏灑淚對春閒也應似舊盈  
盈秋水淡淡春山

前調

侯寘

花信風高雨又收  
風雨互遲留  
無端燕子怯寒歸  
晚間損簾鉤  
彈棋打馬心都嬾  
攏撥上春愁  
推書就枕  
鳧煙淡淡  
蜨夢悠悠

前調

萍鄉道中

范成大

酣酣日脚紫煙浮  
妍暖破輕裘  
困人天氣醉人花  
氣午夢扶頭  
春慵恰似春塘水  
一片縠紋愁  
溶溶曳曳東風無力  
欲皺還休

前調

調梅和傅叅議韻

黃公度

一枝雪裏冷光浮空自許清流如今憔悴蠻煙瘴雨誰  
肯尋搜 昔年曾共孤芳醉爭插玉釵頭天涯幸有惜  
花人在杯酒相酬

前調

梅

趙彥端

黃昏小宴使君家梅粉試春華暗香素蕊橫枝疎影月  
淡風斜 更燒紅燭枝頭挂粉蠟鬪香賒元宵近也小  
園先試火樹銀花

前調

建安  
作

趙彥端

儂家風物似山家  
梅老鬢絲華幾回  
記得攀翻琪樹醉  
帽敲斜  
冷香不斷春千里  
歸路本非賒  
有人却道使  
君猶健看徧餘花

前調

陸游

天花曾散蕊珠宮  
一念墮塵中  
鉛華洗盡珠璣不  
御道  
骨仙風  
東遊我醉騎鯨去  
君駕素鸞從  
垂虹看月天  
台採藥更與誰同

前調

陳亮

試燈天氣又春來  
難說是情懷  
寂寥聊似揚州何遜不  
為江梅  
扶頭酒醒爐香熄  
心緒未全灰  
愁人最是黃昏前後  
煙雨池臺

前調

黃機

粉牆朱閣映垂楊  
晴綠小池塘  
東風颺暖單衣初試  
晝日偏長  
鬢鬆兩鬢飛雲影  
鈿合未梳妝  
闌干側畔閒拋荔子  
驚散鴛鴦

前調

黃機



東風輕雨苦無端，側側送輕寒。那堪更向湘灣六六淺處留船。詩闌酒戲成孤負，春事已闌珊。離愁多在落花枝上，杜宇聲邊。

前調

洪咨夔

平沙芳草渡頭村，綠徧去年痕。遊絲上下流鶯來往，無限消魂。綺牕深靜，人歸晚，金鴨水沉溫。海棠影下，子規聲裏，立盡黃昏。

前調

高觀國

輕雲終被斷雲留不肯放春愁翠樓舊倚粉牆重見歌  
酒風流 今朝畢竟吟情淡芳意未全酬東風向晚驚  
花有意吹轉船頭

前調

史達祖

兒家七十二鴛鴦珠珮鎖瑤箱期花等月秦樓吹笛賈  
袖傳香 十年白玉堂前見直是翦柔腸將愁去也不  
成今世終誤王昌

前調

韓 滉

東風拂檻露猶寒  
花重濕闌干  
淡雲殢日  
晨光微透簾  
幕香殘  
陰晴不定  
瑤階潤  
新恨覺  
心闌憑高望  
斷綠楊南陌無限關山

前調

社日

韓 澆

風迴香雪到梨花  
山影是誰家  
小牕未晚  
重檐初霽  
玉倚蒹葭  
社寒不管人  
如此依舊是  
天涯碧雲暮合  
芳心撩亂  
醉眼橫斜

前調

韓 澆

西溪回合小青蒼梅雨弄殘陽意行隴畝景分庭院乳  
燕春長 酒深不用人歌嘯鉏圃試商量細移菜甲旋  
尋蔬筍一夢黃粱

前調

泊松洲

方岳

霜天鴈帶幾多愁和月落滄洲桂花如許菊花如許怎  
不悲秋 湖山例合閒人管也白幾人頭去年曾此今  
年曾此煙雨孤舟

前調

尹煥

垂楊裊裊蘸晴漪  
明綠染春絲  
市橋繫馬旗亭沽酒無  
限相思  
雲梳雨洗風前舞  
一好百般宜  
不知為甚落花時  
節都是顰眉

前調

周密

飛絲半濕乍歸雲  
愁裏又鶯新  
淡月秋千落花庭院幾  
處黃昏  
十年一夢揚州路  
空有少年心  
不分不曉厭厭  
厭厭一段傷春

前調

石孝友

愁雲澹澹雨蕭蕭暮暮復朝朝別來應是睂峰翠減腕  
玉香消 小軒獨坐相思處情緒好無聊一叢萱草數  
竿修竹幾葉芭蕉

前調

綠牋

薛夢桂

碧筒新展綠蕉芽黃露灑榴花蘸煙染就和雲捲起秋  
水人家 只因一朵芙蓉月生怕玳簾遮燕銜不去鴈  
飛不到愁滿天涯

前調

曾揆

芙蓉帳冷翠衾單  
魂夢幾曾閒  
怎禁未許茫茫煙水疊  
疊雲山  
去時頻把歸期約  
遠不過春殘  
而今已是荷  
花開了猶倚闌干

前調

汪元量

年時記得賞茶藤  
蝴蝶滿園飛  
一雙寶馬兩行簫管月  
下扶歸  
而今寂寞人何處  
脈脈淚沾衣  
空房獨守風  
穿簾子雨隔牕兒

前調

宋媛  
朱淑真

遲遲風日弄輕柔  
花徑暗香流  
清明過了  
不堪回首雲  
鎖朱樓  
午牕睡起鶯聲巧  
何處喚春愁  
綠楊影裏海  
棠枝畔紅杏梢頭

前調

無名氏

慘雲愁霧罩江天  
呵手捲簾看  
蒙茸柳絮  
萬千蝴蝶飛  
過危闌  
後庭一樹瑤華  
綴零亂  
暗香殘  
今番桂影也  
應寒重不放新彎

前調

無名氏



憶從溪上得相逢，尊酒兩心同。  
梅緘香雪，竹搖寒月，柳探春風。  
而今總是銷魂處，冷落半牀空。  
夢迷狂蝶，喜占乾鵲，愁望飛鴻。

前調

無名氏

平生幾度怨長亭，不似這番深。  
霜收水瘦，風流帆飽，恣忍輕分。  
闌干倚徧，慵歸去，獨自箇黃昏。  
荷橫釵股，柳垂裊帶，總是銷魂。

前調

許古

濁醪第得玉為漿  
風韻帶橙香  
持杯笑道鵝黃似酒酒  
似鵝黃  
世緣老矣不思量  
沉醉又何妨  
臨風對月山  
歌野調儘我踈狂

前調 春景

張大烈

珠簾初捲袖生寒  
無語倚闌干  
呢喃燕語歷亂鶯聲紅  
褪花殘  
香焚愁逐爐煙裊  
春光獨自閒  
神情好似隔  
溪流水寫遠孤山

前調 又一體

程垓

一枝煙雨瘦東牆  
真箇斷人腸  
不為天寒日暮  
誰憐水遠山長  
相思月底  
相思竹外  
猶自禁當  
只恐玉樓貪  
夢輸他一夜清香

前調

葛立方

暫持英蕩出燕然  
冰柱凍層檐  
時節馬蹄歸路  
楊花亂撲征鞞  
如今歸去  
銀鐺宜見  
七寶床邊  
待得退朝花  
底家人爭捲珠簾

前調

無名氏

山城水隘小橋傍竹裏早梅芳縱有丹青圖畫難描幽  
韻清香 妖嬈天賦偏宜素淡楊氏宮妝雅態何須豔  
麗孤標不在春光

御選歷代詩餘卷十八

欽定四庫全書舊要

御選歷代詩餘卷十九目錄

起四十八字  
至四十九字

慶春時

晏幾道 二首

春光好 又一體

葛立方

海棠春 又一體

秦觀

馬洪

張紱

吳鼎芳

雙頭蓮令

趙師俠

雙鷓鴣

朱敦儒

鬲溪梅令

姜夔

一落索 又一體

秦觀

前調 又一體

嚴仁

洞天春

歐陽修

胡搗練

晏殊

喜團圓

晏幾道

柳梢青

張孝祥

前調又一體

楊慎

西地錦又一體



石孝友

添字采桑子

李清照

阮郎歸 又一體

吳子孝

三字令

歐陽炯

沈宜修

葉紈紈

醉桃源

趙鼎

畫堂春 又一體

趙長卿

燭影搖紅

賀鑄

毛滂 二首

王仲

張炎

吳子孝

撼庭秋

晏殊

惜分飛

辛棄疾

碧玉簫

無名氏

伊州三臺

趙師俠

謫仙怨

劉長卿

鏡中人

無名氏

山外雲

張雨

桃源憶故人

歐陽修 二首

蘇軾

黃庭堅

秦觀 二首

王庭珪

趙長卿

張孝祥

朱敦儒

管鑑

陸游  
二首

鄭域

史達祖

汪莘

吳文英  
二首

周密

趙君舉

元好問

吳子孝

陳子龍

太常引

辛棄疾 二首

元好問

楊果

許有壬 二首

馬熙

許楨

張埜

倪瓚 二首

張雨

劉燕哥



應天長 又一體

南唐李煜

顧夔

馮延巳

張大烈

酒泉子 又一體

潘閔 二首

畫堂春 又一體

張先

黃庭堅

前調又一體

趙長卿

極相思

呂渭老  
二首

蔡伸

陸游

吳文英

燕歸梁

張孝祥

前調又一體

杜安世

賀聖朝又一體

葉清臣

趙鼎

馬莊父

陽臺夢

後唐莊宗

武陵春  
又一體

趙師俠

李清照

歸去來

柳永

沙塞子 又一體

葛立方

前調 又一體

趙彥端

越江吟

蘇易簡

惜春郎

柳永

醉鄉春

秦觀

鳳孤飛

晏幾道

洛陽春 又一體

歐陽修

月宮春

毛文錫

雙韻子

張先

河瀆神

溫庭筠 三首

孫光憲 二首

辛棄疾

前調 又一體

張泌

月中行

韓澆

前調又一體

陳允平

玉連環又一體

陳鳳儀

少年遊

周密二首



更漏子 又一體

歐陽炯

御選歷代詩餘卷十九目錄

欽定四庫全書薈要卷二萬六千九百九十七

集部

御選歷代詩餘卷十九

起四十八字  
至四十九字

慶春時

雙調四

十八字

慶春時

晏幾道

倚天樓殿昇平風月彩仗春移鸞絲鳳竹長生調裏迎  
得翠輿歸 雕鞍遊罷何處還有心期濃熏翠被深停  
畫燭人約月西時

前調

晏幾道

梅梢已有春來音信風意猶寒南樓暮雪無人共賞閒  
却玉闌干 殷勤今夜涼月還似着彎尊前為把桃根  
麗曲重倚四絃看

春光好

又一體雙調  
四十八字

春光好

葛立方

禁煙却釀春愁正繫馬清淮渡頭後日清明催疊鼓應

在揚州 歸時元已臨流要綺陌芳郊恣遊三月羈懷  
當一洗莫放觥籌

海棠春

又一體雙調  
四十八字

海棠春

秦觀

流鶯牕外啼聲巧睡未足把人驚覺翠被曉寒輕寶篆  
沉煙裊 宿醒未解宮娥報道別院笙歌會早試問海  
棠花昨夜開多少

前調

馬洪

越羅衣薄輕寒透正畫閣鳳簾飄繡無語小鶯慵有恨  
垂楊瘦 桃花人面應依舊憶那日擎漿時候添得暮  
愁牽只為秋波溜

前調

張紘

探春東郭春猶早道此際春光更好殘雪隴頭梅微雨  
溪邊草 東風十里樓臺曉又領取一番花鳥欲抱錦  
琴彈誰信知音少

前調

吳鼎芳

紫騮門外嘶聲去  
千萬疊銷魂煙樹  
不忍看伊行無計  
留伊住  
東風似解離人意  
做一陣廉纖花雨  
含笑進門時  
又恐明朝霽

雙頭蓮令

趙師俠詞詠本意蓋以事  
名調也雙調四十八字

雙頭蓮令

信豐  
雙蓮

趙師俠

太平和氣兆嘉祥  
草木總成雙  
紅苞翠蓋出橫塘  
兩兩

鬪芬芳 幹搖碧玉並青房  
仙髻擁新妝 連枝不解引  
鸞皇留取映鴛鴦

雙鷓鴣

朱敦儒詞詠本意  
雙調四十八字

雙鷓鴣

朱敦儒

拂破秋江煙碧一對雙飛鷓鴣  
應是遠來無力稍下相  
偎沙磧 小艇誰吹橫笛  
驚起不知消息悔不當時描  
得如今何處尋覓



鬲溪梅令

姜夔自度腔雙

調四十八字

鬲溪梅令

無錫歸  
寓意

姜夔

好花不與殢香人  
浪粼粼又恐東風歸去綠成陰  
玉鈿何處尋  
木蘭雙槳夢中雲  
水橫陳漫向孤山山下覓  
盈盈翠禽啼一春

一落索

又一體雙調

四十八字

一落索

秦觀

楊花終日飛舞奈久長難駐海潮雖是暫時來却有箇  
堪憑處紫府碧雲為路好相將歸去肯如薄倖五更  
風不解與花為主

前調

又一體

嚴仁

清曉啼鶯紅樹又一雙飛去日高花氣撲人來獨自箇  
傷春無緒別後暗寬金縷倩誰傳語一春不忍上高  
樓為怕見分攜處

洞天春

雙調四十八字以歐陽修一首平仄為正

洞天春

歐陽修

鶯啼綠樹聲  
早檻外殘紅未掃  
露點真珠徧  
芳草正簾幃  
惝清曉  
鞦韆宅院悄悄  
又是清明過了  
燕蝶輕狂柳絲撩亂  
春心多少

胡搗練

雙調四十八字與望仙樓分別惟換頭第一句七字

胡搗練

晏殊

小桃花與早梅花盡是芳妍品格未上東風先拆分付  
春消息 佳人釵上玉尊前朶朶濃香堪惜誰把綵毫  
描得免恁輕拋擲

喜團圓

雙調四十八字後段  
字句與人月圓同

喜團圓

晏幾道

危樓靜鎖牕中遙岫門外垂楊珠簾不禁春風度解偷

送餘香 眠思夢想不如雙燕得到蘭房別來只是憑  
高淚眼感舊離腸

柳梢青

雙調四  
十八字

柳梢青

張孝祥

碧雲風月無多莫被名韉利鎖白玉為車黃金作印不  
戀休呵 爭如對酒當歌人是人非恁麼年少甘羅老  
成呂望畢竟如何

前調

又一體

楊慎

暈雪融霞若煙若霧何處人家  
宋玉牆東文君壚下占  
斷韶華  
梅花已罷橫斜柳條猶未藏  
鴉錦樹烘春瓊  
枝裊月留醉仙娃

西地錦

又一體雙調  
四十八字

西地錦

石孝友

回望玉樓金闕正水遮山  
隔風兒又起雨兒又急好愁

人天色 兩岸荻花楓葉爭舞紅吹白中秋過也重陽  
近也作天涯孤客

添字采桑子

雙調四  
十八字

添字采桑子 芭蕉

宋媛  
李清照

牕前誰種芭蕉樹陰滿中庭陰滿中庭葉葉心心舒卷  
有餘情 傷心枕上三更雨點滴淒清點滴淒清愁損  
離人不慣起來聽

阮郎歸

又一體雙調  
四十八字

阮郎歸

夜登叢  
桂樓

吳子孝

一年月色最宜秋，銀河映玉流。  
半輪寒魄未曾週，清光處處浮。  
金尊瑤管共綢繆，毫端風景收。  
名山相望倚危樓，知音千古求。

三字令

此調始於後蜀歐陽炯，皆三字句。前後皆八句，雙調四十八字。



三字令

歐陽炯

春欲盡日遲遲牡丹時羅幌卷翠簾垂彩牋書紅粉淚  
兩心知人不在燕空歸負佳期香燼落枕函敲月分  
明花澹薄惹相思

前調

明媛  
沈宜修

花落盡柳陰低雨絲霏香霧濕彩雲迷帶愁飛飛去也  
武陵西新夢短漏依依剩相思殘月冷曉烟淒蝶香  
濃鶯語碎斷腸時

前調 香撲

明媛

葉紈紈

疑是鏡又如蟾最嬋娟紅袖裏綠牕前  
帶人憐羞錦帶妒花鈿  
蘭浴罷襯春纖撲還拈  
添粉豔玉肌妍麝氣氤香馥郁透湘縑

醉桃源

雙調四  
十八字

醉桃源 春曉

趙鼎

青春不與花為主  
花正開時春暮  
花下醉眠休訴  
看取

春歸去 鶯愁蝶怨春知否  
欲問春歸何處只有一尊  
芳醕留得青春住

### 畫堂春

又一體雙調  
四十八字

### 畫堂春

遊西湖  
有感

趙長卿

湖光乘雨碧連天  
繞堤映草芊芊舞風楊柳欲  
嘶絲依  
依起翠煙  
還是春風客路對花空  
負嬋娟暮寒樓閣  
碧雲間羅袖成斑

燭影搖紅

宋徽宗命大晟府改王詵憶故人詞因詞有燭影  
搖紅句遂以名調但詵詞本五十字此則雙調四  
十八字以起二句分別另立調  
名不得以憶故人名此調也

燭影搖紅

賀鑄

波影翻簾淚痕凝燭青山館離魂十里念佳期襟佩如  
相款惆悵更長夢短但衾枕餘芳賸暖半牕斜月照  
人腸斷啼鳥不管

前調

松牕午  
夢初覺

毛滂

一畝清陰半天瀟灑松牕午牀頭秋色小屏山碧長垂  
煙縷枕畔風搖綠戶喚人醒不教夢去可憐恰到瘦  
石寒泉冷雲出處

前調

毛滂

綠鬢飄蕭漫郎已是青雲晚古槐陰外小闌干不負看  
山眼此意悠悠無限有雲山知人醉嬾他年尋我水  
邊月底一蓑煙短

前調

王仲

煙雨江城望中綠暗花枝少惜春長待醉東風却恨春  
歸早 縱有幽歡會巧奈如今風情漸杳秦樓何處畫  
闌愁倚天涯芳草

前調

答邵  
素心

張炎

隔水呼舟采香何處追遊好一年春事二分花猶有花  
多少 容易繁華過了趁園林飛紅未埽舊醒新醉幾  
日不來綠陰芳草

前調

吳子孝

萬綠堂前誰栽叢桂添秋色森森翠葉擁金葩塵世逢  
香國 露冷風清月白閉重門無人憐惜莫停歌板好  
汎霞觴賞心難得

### 撼庭秋

雙調四十八字  
與撼庭竹無涉

### 撼庭秋

晏殊

別來音信千里恨此情難寄碧紗秋月梧桐夜雨幾回  
無寐 樓高目斷天遙雲黯只堪憔悴念蘭堂紅燭心

長齧短向人垂淚

惜分飛

雙調四

十八字

惜分飛

辛棄疾

翡翠樓前芳草路寶馬墮鞭暫駐最是周郎顧幾度歌  
聲誤望斷碧雲空日暮流水桃源何處古道春歸去  
更無人管飄紅雨

碧玉簫



雙調四  
十八字

碧玉簫

無名氏

輕暖吹香薰風漲綠北牕添得琅玕玉新粉微含翠浪  
明如沐珠淚偷彈纖腰減東天涯勞我危樓目燕子  
無情斜語闌干曲

伊州三臺

州或作洲雙調四十八字調  
笑令亦名三臺令與此迥別

伊州三臺

趙師俠

桂花移自雲巖更被靈砂染丹清露濕酖顏醉乘風下  
臨世間素娥襟韻蕭閒不與羣芳並看款款絳綃單  
覺身輕夢回廣寒

謫仙怨

調本唐時樂府中新聲後用以填詞蓋即  
回波而衍之為八句也雙調四十八字

謫仙怨

劉長卿

晴川落日初低惆悵孤舟解攜鳥向平蕪遠近人隨流  
水東西白雲千里萬里明月前溪後溪獨恨長沙謫

去江潭春草萋萋

鏡中人

雙調四  
十八字

鏡中人

無名氏

柳煙濃梅雨潤芳草絲絲離恨花塢風來幾陣羅袖沾  
香粉 獨上小樓迷遠近不見浣溪人信何處笛聲飄  
隱隱吹斷相思引

山外雲

張雨作此詞贈句曲道友即名  
茅山逢故人雙調四十八字

山外雲

張雨

山下寒林平楚山外雲帆煙渚不飲如何吾生如夢鬢  
毛如許能消幾度相逢遮莫而今歸去壯士黃金昔  
人黃鶴美人黃土

桃源憶故人

或作桃園者誤一名虞  
美人影雙調四十八字

桃源憶故人

歐陽修

梅梢弄粉香猶嫩欲寄江南春信別後寸腸縈損說與  
伊爭穩 小爐獨守寒灰燼忍淚低頭畫盡眉上萬重  
新恨竟日無人問

前調

歐陽修

鶯愁燕苦春歸去寂寂花飄紅雨碧草綠楊岐路况是  
長亭暮 少年行客情難訴泣對東風無語目斷兩三  
煙樹翠隔江淹浦

前調

蘇軾

華胥夢斷人何處聽得鶯啼紅樹幾點薔薇香雨寂寞  
閒庭戶暖風不解留花住片片著人無數樓上望春  
歸去芳草迷歸路

前調

黃庭堅

碧天露洗春容淨淡月曉收殘暈花上密煙飄盡花底  
鶯聲嫩雲歸楚峽厭厭困兩點遠山新恨和淚暗彈  
紅粉生怕人來問

前調

秦觀

秦樓深鎖薄情種  
清夜悠悠誰共羞  
見枕衾鴛鴦鳳  
悶即和衣擁  
無端畫角嚴城動  
驚破一番新夢  
牕外月華霜重聽徹梅花弄

前調

秦觀

碧紗影弄東風曉  
一夜海棠開了  
枝上數聲啼鳥  
妝點知多少  
妒雲恨雨腰肢  
裊着黛不堪重  
掃薄倖不來  
春老羞帶宜男草

前調

辰州送客

王庭珪

催花一霎清明雨留得春風且住兩岸柳汀煙鴈未放  
行人去 人如雙鵠雲間舉明月扁舟何處只向武陵  
南渡便是長安路

前調 初春

趙長卿

夜來一陣東風暖春到桃腮柳眼對景可堪腸斷強把  
看愁展 花朝惹起歸期念前事從頭忖徧凝想水遙  
山遠空結相思怨

前調 冬飲

張孝祥



朔風弄月吹銀霰，簾幙低垂。三面酒入玉肌，香軟壓得  
寒威斂。檀槽乍撥，么絲慢彈，得相思一半不道有人  
腸斷，猶作聲聲顫。

前調

朱敦儒

雨斜風橫香成陣，春去空留。春恨歡少愁多，因甚燕子  
渾難問。碧尖感損，眉慵暈淚濕，臙脂紅沁。可惜海棠  
吹盡，又是黃昏近。

前調

管鑑

小園十日狂風雨幾陣桃花紅去惟有綠牕朱戶春色  
常如許 歌聲屢喚飛雲駐銷得行人且住倒盡玉壺  
春露醉到無愁處

前調

陸游

闌干幾曲高齋路正在重雲深處丹碧未乾人去高棟  
空留句 離離芳草長亭暮無奈征車不住惟有斷鴻  
煙渚知我頻迴顧

前調

陸游

城南載酒行歌路  
冶葉倡條無數一  
朶鞵紅凝露最是  
傷心處  
鶯聲無賴催春去  
那更兼旬風雨試  
問歲華何許芳草  
連天暮

前調

鄭域

東風料峭寒吹面  
低下繡簾休卷  
憔悴怕他春見一  
任鶯花怨  
新愁不許詩排遣  
塵滿玉毫金硯若  
問此愁深淺天闊  
浮雲遠

前調

賦桃  
花

史達祖

明霞烘透春機杼春在明霞多處我是有詩漁父一夢  
秦天古 柳枝巷陌深朱戶牆外東風一樹十五年來  
凝佇彈盡臙脂雨

前調

汪莘

人間只解留春住不管秋光歸去一陣西颺風雨秋也  
歸何處 柴扉半掩閒庭戶黃葉青苔無數猶把小春  
分付梅蕊前村路

前調

吳文英

越山青斷西陵浦一岸密陰疎雨潮帶舊愁生暮曾折  
垂楊處 桃根桃葉當時渡嗚咽風前柔櫓燕子不留  
春住空寄離檣語

前調

詠香  
橙

吳文英

黃苞先著風霜勁獨占一年佳景點點吳鹽雪凝玉膾  
和羹冷 洋園誰識黃金徑一棹洞庭秋興香薦蘭皋  
湯鼎殘酒西牕醒

前調

周密

流蘇靜掩羅屏小  
春夢苦無分曉  
一縷舊情誰表  
暗逐餘香裊  
相思懶寄流紅香  
人瘦花枝多少  
郎馬未歸  
春老空怨王孫草

前調

趙君舉

芳菲已有枝頭露  
寒著輕羅未去  
午夜鸞車鶴馭散入  
千蓮步  
粉香度曲嬉遊  
女草草相逢無據  
腸斷淚零  
無數灑作花梢雨

前調

代贈良  
佐所親

元好問

楚雲不似陽臺舊只是無心出岫竹外天寒翠袖寂寞  
啼妝瘦 絃聲宛轉春風手殢得行人病酒明日西城  
回首腸斷江南柳

前調

吳子孝

碧堂窈窕春初到風起晚來寒  
肖金字屏圍香燎酒美  
歌聲妙 賞心佳景人年少  
塵世難逢歡笑攬袖勸停  
歸棹月向梅花照

前調

陳子龍

小樓極望連平楚，簾捲一帆南浦。試問晚風吹去，狼藉春何處。相思此路無重數，畢竟天涯幾許。莫聽嬌鶯私語，怨盡梨花雨。

### 太常引

一名太清引雙調四十九字

### 太常引

建康中秋夜

### 辛棄疾

一輪秋影轉金波，飛鏡又重磨。把酒問姮娥，被白髮欺人奈何。乘風好去，長空萬里，直下看山河。斫去桂婆



娑人道是清光更多

前調

辛棄疾

仙機似欲織織羅  
髣髴度金梭  
無奈玉纖何  
却彈作清商恨多  
珠簾影裏如花半面  
絕勝隔簾歌  
世路苦風波  
且痛飲公無渡河

前調

元好問

十年流水共行雲  
相見重情親  
滄海內揚塵  
便疑是前身  
身後身  
風臺月榭舞裊歌扇樂事幾回新  
莫話洛陽

春更誰似鑿坡故人

前調

楊果

一杯聊為送征鞍  
落葉滿長安  
誰料一儒冠  
直推上淮陰將壇  
西風旌旆斜  
陽草樹鴈影入  
高寒且放酒腸寬  
道蜀道而今更難

前調

池荷

許有壬

幽人早起赴池亭  
初日照娉婷  
風蓋露珠傾  
又勝似前時雨聲  
水沉香裏錦雲深  
處雙檜插天青  
一葉釣舟

輕似野渡無人自橫

前調

許有壬

四堤楊柳接松筠香破水芝新羅韞不生塵笑畫裏凌  
波未真紅衣縹緲清風蕭瑟半醉岸烏巾不是葛天  
民也做得江湖散人

前調

用許可用  
池荷韻

馬熙

園中風雨中亭消得兩娉婷濁酒卷荷傾早洗盡箏  
聲笛聲四堤晴柳一天花氣付與晚山青飛絮挾雲

輕任膝上瑤琴自橫

前調

許楨

池亭荷淨納涼時  
四面柳依稀  
棹得酒船回  
看風裏紗巾半  
敲殘霞照水  
夕陽明  
樹天付畫中  
詩應不負歸期  
更誰看桃花面皮

前調

高石丞自上都回

張埜

巍然勲業歷台司  
一柱儘能支  
報國與憂時  
怎瞞得星  
星鬢絲  
龍門山色灤河雲  
影添入介翁詩  
沈醉莫推

辭趁秋滿天香桂枝

前調

倪瓚

門前楊柳密藏鴉春事到桐花敲火試新茶想月珮雲  
衣故家苔生雨館塵凝錦瑟寂寞聽鳴蛙芳草際天  
涯蝶栩栩春暉夢華

前調

壽彝齋

倪瓚

柳陰濯足水侵磯香度野薔薇芳草綠萋萋問何事王  
孫未歸一壺濁酒一聲清唱簾幕燕雙飛風暖試輕

衣介着壽遙瞻翠微

前調

題畫  
舫

張雨

莫將西子比西湖千古一陶朱生怕在樓居也用著風  
帆短蒲 銀瓶索酒并刀斫鱸船背錦糝糊堤上早傳  
呼是那箇煙波釣徒

前調

餞別

元妓  
劉燕哥

故人別我出陽關無計鎖雕鞍今古別離難兀誰畫蛾  
眉遠山 一尊別酒一聲杜宇寂寞又春殘明月小樓

間第一夜相思淚彈

應天長

又一體雙調  
四十九字

應天長

南唐李煜

一鉤初月臨妝鏡  
蟬鬢鳳釵慵不整  
重簾靜層樓迴惆  
悵落花風不定  
柳堤芳草徑  
夢斷輓轡金井  
昨夜更闌酒醒  
春愁過却病

前調

顧夏

瑟瑟羅裳金綫縷輕透鵝黃香畫袴垂交帶盤鸚鵡裊  
裊翠翹移玉步 背人勻檀注慢轉橫波偷覷斂黛春  
情暗許倚屏慵不語

前調

馮延巳

石城花落紅樓雨雲隔長洲蘭芷暮芳草岸和煙霧誰  
在綠楊深處住 舊遊還似故歲遠離人何處杳杳蘭  
舟西去魂歸巫峽路

前調

曉起  
次韻

張大烈



千條弱柳縈青鏡  
悔教夫壻鬢慵整  
香閨靜青巒迴暗  
卜金錢期未定  
魂遶陽臺徑  
怨鎖碧梧深井  
酒病有時蘇醒難醒  
懷人病

酒泉子

又一體雙調  
四十九字

酒泉子

潘 閔

長憶孤山山在湖心  
如黛簇僧房  
四面向湖開  
輕棹去還來  
芰荷香細連雲閣  
閣上清聲檐下鐸  
別來塵土

汚人衣空役夢魂飛

前調

潘閔

長憶西湖靈隱寺前天竺後冷泉亭上幾曾遊三伏似  
清秋白猿時見攀高樹長嘯一聲何處去別來幾向  
畫圖看終是欠峰巒

畫堂春

又一體雙調  
四十九字

畫堂春

張先

外湖蓮子長參差，霽山青處鷗飛水。  
天溶漾，畫船遲人，影鑑中移。  
桃葉淺聲雙唱，杏紅深色輕衣。  
小荷障面，避斜暉，分得翠陰歸。

前調

黃庭堅

摩圍小隱枕蠻江，蛛絲閒鎖晴牕。  
水風山影上修廊，不到晚來涼。  
相伴蝶穿花徑，獨飛鷗舞溪光。  
不因送客下繩牀，添火炷爐香。

前調

又一體

趙長卿

當時巧笑記相逢玉梅枝上玲瓏酒杯流處已愁儂寒  
鴈橫空去程無計更從容到歸來好事匆匆一時分  
付不言中此恨難窮

極相思

雙調四  
十九字

極相思

呂渭老

拂牆花影飄紅微月辨簾櫳香風滿袖金蓮印步狹徑  
迎逢笑靨乍開還斂翠正花時却恁西東別房初睡

斜門未鎖且更從容

前調

呂渭老

西園鬪草歸遲隔葉嘒黃鸝  
闌干醉倚鞦韆背立數徧  
佳期寒食清明都過了趁  
如今芍藥薔薇衩衣吟露  
歸舟纜月方解開着

前調

蔡伸

碧檐鳴玉玳瑁金鎖小  
蘭房樓高夜永飛霜滿院璧月  
沉缸雲雨不成巫峽夢望仙鄉  
煙水茫茫風前月底

登高念遠無限淒涼

前調

陸游

江頭疎雨輕煙寒食落花天翻紅墜素淺霞暗錦一段  
淒然惆悵東君堪恨處也不念冷落尊前那堪更看  
漫空相趁柳絮榆錢

前調

題水月  
梅扇

吳文英

玉纖風透疎痕涼與素懷分乘鸞歸後生綃淨翦一片  
冰雲心事孤山春夢在到思量猶斷詩魂水清月冷

香銷瘦影人立黃昏

燕歸梁

雙調四十九字與喜遷鶯  
之別名燕歸梁者不同

燕歸梁

張孝祥

風柳搖絲花纏枝滿月韶輝離鴻過盡百勞飛都不似  
燕來歸 舊時王謝堂前地情分獨依依畫梁雕栱啟  
朱扉看雙舞羽人衣

前調

又一體

杜安世

風擺紅縑卷畫簾寶鑑慵拈日高梳洗幾時忺金盆水  
弄纖纖 皓雲鬆鞦衣斜褪和嬌嬾瘦巖巖離愁更宿  
醒兼空贏得病懨懨

### 賀聖朝

又一體雙調四十九  
字又名雙調賀聖朝

### 賀聖朝

葉清臣

滿斟綠醕留君住莫匆匆歸去三分春色二分愁更一  
分風雨 花開花謝都來幾許且高歌休訴不知來歲



牡丹時再相逢何處

前調

趙鼎

斷霞收盡黃昏雨  
滴梧桐疎樹簾櫳不捲  
夜沉沉鎖一庭風露  
天涯人遠心期夢悄  
苦長宵難度知他  
牕外促織兒有許多言語

前調

馬莊父

遊人拾翠不知遠  
被子規呼轉紅樓倒影背  
斜陽墜幾聲絃管  
茶蘼香透海棠紅  
淺恰平分春半  
花前一笑

不須慳待花飛休怨

陽臺夢

以詞中結語為調  
名雙調四十九字

陽臺夢

後唐莊宗

薄羅衫子金泥縫  
困纖腰怯銖衣重  
笑迎移步小蘭叢  
薄羅衫子金泥縫  
困纖腰怯銖衣重  
笑迎移步小蘭叢  
嬋金翹玉鳳  
嬌多情脈脈羞把同心撚  
弄楚天雲雨  
却相和又入陽臺夢

武陵春

又一體雙調  
四十九字

武陵春

趙師俠

乍雨籠晴雲不定芳草綠纖柔燕語鶯啼小院幽春色  
二分休 試凭危闌凝遠目山與水光浮滾滾閒愁逐  
水流流不盡許多愁

前調

宋媛  
李清照

風住塵香花已盡日晚倦梳頭物是人非事事休欲語  
淚先流 聞說雙溪春尚好也擬汎輕舟只恐雙溪舴

舫舟載不動許多愁

歸去來

雙調四

十九字

歸去來

柳永

初過元宵三五慵困春情緒燈月闌珊嬉遊處遊人盡  
厭歡聚 憑仗如花女持杯謝酒朋詩侶餘醒更不禁  
香醕歌筵舞且歸去

沙塞子

又一體雙調  
四十九字

沙塞子

梅

葛立方

天生玉骨冰肌瘦，損也知他為誰寒。  
牕底傲霜凌雪，不教春知。高樓橫笛，  
試輕吹，要一片花飛。酒卮拚沉醉，  
帽檐斜插，折取南枝。

前調

又一體

趙彥端

春水綠波南浦漸，理棹行人欲去黯。  
消魂柳際輕煙，花梢微雨。長亭放  
醜，無計住。但芳草迷人去路，忽回頭。

斷雲殘日長安何處

越江吟

雙調四  
十九字

越江吟

蘇易簡

非煙非霧瑤池宴  
片片碧桃冷落黃金殿  
鰕鬢半捲天香散  
奏雲和孤竹清婉入霄漢  
紅顏醉態爛漫金輿  
轉霓旌影斷蕭聲遠

惜春郎

雙調四  
十九字

惜春郎

柳永

玉肌瓊豔新妝飾好壯觀歌席潘妃寶釧阿嬌金屋應  
也消得屬和新詞多俊格敢共我勅敵恨少年枉費  
疎狂不早與伊相識

醉鄉春

以秦觀詞名調  
雙調四十九字

醉鄉春

秦觀

喚起一聲人悄衾冷夢寒  
牕曉瘴雨過海棠開春色又  
添多少 社甕釀成微笑  
半缺柳瓢共留覺傾倒急投  
牀醉鄉廣大人間小

鳳孤飛

雙調四  
十九字

鳳孤飛

晏幾道

一曲畫樓鐘動宛轉歌聲  
緩綺席飛塵座滿更小待金  
蕉暝 細雨輕寒今夜短  
依前是粉牆別館端的懽期



應未晚奈歸雲難管

洛陽春

又一體雙調四十九字一名一落索

洛陽春

歐陽修

紅紗未曉黃鸝語  
蕙爐銷蘭炷錦屏羅幕護  
春寒昨夜三更雨  
繡簾閒倚吹輕絮  
斂眉山無緒  
看花拭淚向歸鴻  
問來處逢郎否

月宮春

唐毛文錫詞詠月宮事遂  
以名調雙調四十九字

月宮春

毛文錫

水晶宮裏桂花開  
神仙探幾回  
紅芳金蕊繡重臺  
低傾  
瑪瑙杯  
玉兔銀蟾爭守護  
姮娥姹女戲相偎  
遙聽鈞  
天九奏玉皇親看來

雙韻子

雙調四  
十九字

雙韻子

張先

鳴鞘電過曉闌靜  
斂龍旂風定鳳樓遠  
出霏煙聞笑語  
中天迴 清光近  
歡聲競鴛鴦集  
仙花鬪影更聞度曲  
瑤山升瑞日春宮永

### 河瀆神

雙調四十九字前後段分平仄韻此調詞家  
多填為祠廟之作亦九歌迎神送神意也

### 河瀆神

溫庭筠

河上望叢祠  
廟前風雨來時  
楚山無限鳥飛遲  
蘭棹空傷別離  
何處杜鵑啼  
不歇豔紅開盡如血  
蟬鬢美人

愁絕百花芳草佳節

前調

溫庭筠

孤廟對寒潮西陵風雨瀟瀟謝娘惆悵倚蘭橈淚流玉  
筋千條暮天愁聽思歸樂早梅香滿山郭回首兩情  
蕭索離魂何處飄泊

前調

溫庭筠

銅鼓賽神來滿庭幡蓋徘徊水村江浦過風雷楚山如  
畫煙開離別櫓聲空蕭索玉容惆悵妝薄青麥燕飛

落落捲簾愁對珠閣

前調

孫光憲

汾水碧依依黃雲落葉初飛翠娥一去不言歸廟門空  
掩斜暉 四壁陰森排古畫依舊瓊輪羽駕小殿沉沉  
清夜銀燈飄落香燭

前調

孫光憲

江上草芊芊春晚湘妃廟前一方卵色楚南天數行斜  
鴈聯翩 獨倚朱闌情不極魂斷終朝相憶兩槩不知

消息遠汀時起鷓鴣

前調

女城祠效  
花間體

辛棄疾

芳草綠萋萋斷腸絕浦相思山頭人望翠雲旗蕙肴桂  
酒君歸惆悵畫檐雙燕舞東風吹散靈雨香火冷殘  
簫鼓斜陽門外今古

前調

又一  
體

張泌

古樹噪寒鴉滿庭楓葉蘆花晝燈當午隔輕紗畫閣珠  
簾影斜門外往來祈賽客翩翩帆落天涯回首隔江

煙火渡頭三兩人家

月中行

雙調四  
十九字

月中行

韓 澆

柳嬌花妒燕鶯喧斷腸空眼穿一春風雨夜厭厭不聞  
鐘鼓傳香冷曲屏羅帳掩園林誰與上秋千憶得年  
時鳳枕日高猶醉眠

前調又一  
體

陳允平

鬢雲斜插映山紅  
春重淡香融  
自攜紈扇出簾櫳  
花下撲飛蟲  
薔薇架底偏宜酒  
纖纖自引金鍾  
倦歌伴醉倚東風  
愁在落紅中

玉連環

又一體雙調  
四十九字

玉連環

蜀妓  
陳鳳儀

蜀江春色濃如霧  
擁雙旌歸去  
海棠也似別君難  
一點點啼紅雨  
此去馬蹄何處向  
沙堤新路  
禁林賜宴賞



花時還憶著西樓否

少年遊

雙調四

十九字

少年遊

周密

松風蘭露滴崖陰  
瑤艸入簾青  
玉鳳驚飛翠蛟時  
舞噴薄濺春雲  
冰壺不受人間暑  
幽碧弄珍禽  
花外琴臺竹邊  
棋墅處處閒情

前調

周密

簾銷寶篆捲宮羅  
蜂蝶撲飛梭  
一樣春風燕梁鶯戶那  
處得春多  
曉妝日日隨春輦  
多在牡丹坡  
花深深處  
柳陰陰處  
一片笙歌

更漏子

又一體雙調  
四十九字

更漏子

歐陽炯

三十六宮秋夜永  
露華點滴高梧  
丁丁玉漏咽  
銅壺明  
月上金鋪  
紅線毯  
博山爐  
香風暗觸流蘇  
羊車一去

長青蕪鏡塵綵鸞孤

御選歷代詩餘卷十九



總校官庶吉士臣張能照

校對官庶吉士臣陳崇本

謄錄監生臣王詔